



*Alþingi*  
*Erindi nr. P 133/143*  
*komudagur 10.11.2006*

Fjárlaganefnd Alþingis  
Hr. Birkir J. Jónsson, form.

Reykjavík, 9. nóvember 2006.

Með vísan til bréfs yðar, dags. 5. október 2005, þar sem óskað er eftir álitum landbúnaðarnefndar á frumvarpi til fjárlaga fyrir árið 2006. Álit nefndarinnar sendist yður hér með.

Þá óskaði fjárlaganefnd eftir því að landbúnaðarnefnd skipti safnliðum sem eru á málefnasviði nefndarinnar. Nefndin leggur til, eftir viðtöl við umsækjendur og eftir að hafa farið yfir erindi umsækjenda, að veitt verði fé til þeirra aðila sem gerð er tillaga um í fylgiskjali.

F.h. formanns landbúnaðarnefndar,

Elísabet Rán Andrésdóttir, nefndaritari.

LANDBÚNAÐARNEFND

## Álit

um frv. til fjárlaga fyrir árið 2007 (04 Landbúnaðarráðuneyti).

### Frá landbúnaðarnefnd.

Landbúnaðarnefnd hefur að beiðni fjárlaganefndar fjallað um þá þætti fjárlagafrumvarpsins sem eru á málefnasviði hennar, sbr. 2. mgr. 25. gr. laga nr. 55/1991, um þingsköp Alþingis, og bréf fjárlaganefndar frá 5. október sl.

Heildargjöld landbúnaðarráðuneytis árið 2007 eru áætluð um 14.667 millj. kr. á rekstrargrunni. Frá dragast sértekjur að fjárhæð 805 millj. kr. en þær nema 5,5% af heildargjöldum ráðuneytisins. Gjöld umfram tekjur eru 13.862 millj. kr. og af þeirri fjárhæð eru 12.187 millj. kr. fjármagnaðar með beinu framlagi úr ríkissjóði og 1.754 millj. kr. innheimtar af ríkistekjum. Mismunurinn, 79 millj. kr., færist til lækkunar á viðskiptahreyfingum ríkissjóðs.

Nefndin fékk á sinn fund Ingimar Jóhannsson frá landbúnaðarráðuneyti og skýrði hann þá liði frumvarpsins sem varða ráðuneytið og stofnanir þess. Enn fremur komu á fund nefndarinnar Sigurður Guðjónsson, forstjóri Veiðimálastofnunar, og Sigurður Már Einarsson, deildarstjóri Vesturlandsdeildar Veiðimálastofnunar, og fóru þeir yfir fjármál stofnunarinnar. Auknar skyldur, og aukin verkefni, eru lagðar á stofnunina, m.a. vegna nýrra lax- og silungsveiðilaga, laga um fiskeldi, laga um fiskrækt, laga um varnir gegn fisksjúkdómum og laga um Veiðimálastofnun, en ekki var gert ráð fyrir auknu fjárframlagi. Því til viðbótar má nefna tilskipun Evrópusambandsins um verndun vistgæða vatns en undirbúningsvinna vegna hennar er hafin og þyrfti að vera meiri, einkum með hliðsjón af sérstöðu íslenskra aðstæðna. Verkefni stofnunarinnar fyrir Landsvirkjun hafa minnkað og tekjutap orðið í kjölfarið. Enn fremur hafa framlög úr Fiskræktarsjóði til stofnunarinnar dregist saman en starfsemi sjóðsins og lagaumhverfi hefur breyst. Veiðimálastofnun hefur nú sömu aðstöðu og aðrir til að sækja um fjármagn til ákveðinna verkefna í sjóðinn.

Samkvæmt upplýsingum sem nefndinni bárust var uppsafnaður halli Veiðimálastofnunar tæpar 40 millj. kr. um síðustu áramót. Þar af var halli síðasta árs um 19 millj. kr. þrátt fyrir sölu fasteignar og annarra ráðstafana. Enn fremur fengust þær upplýsingar frá ráðuneytinu að gera megi ráð fyrir að rekstrarhalli á þessu ári verði um 20 millj. kr. Í árslok gæti hallinn orðið hátt í 60 millj. kr. Fjárhagsvandi stofnunarinnar er tvíþættur. Annars vegar er uppsafnaður halli og hins vegar þyrfti rekstrargrunnur stofnunarinnar að verða leiðréttur í fjárlögum.

Nefndin telur mikilvægt að stofnunin fái aukin framlög í fjárlögum til þess að geta haldið starfsemi sinni áfram, einkum með tilliti til þess að stofnunin gegnir mikilvægri starfsemi þar á meðal lögbundinni starfsemi.

Drífa Hjartardóttir skrifar undir álitid með fyrirvara vegna setu í fjárlaganefnd. Enn fremur skrifa Anna Kristín Gunnarsdóttir og Þuríður Backman undir álitid með fyrirvara.

Við afgreiðslu málsins voru fjarverandi Gunnar Örlygsson og Jóhann Ársælsson.

Alþingi, 9. nóv. 2006.

Drífa Hjartardóttir, form.  
Anna Kristín Gunnarsdóttir, með fyrirvara.  
Dagný Jónsdóttir  
Valdimar L. Friðriksson.  
Guðmundur Hallvarðsson.  
Hjálmar Árnason.  
Þuríður Backman, með fyrirvara.

Skipting safnliðar 04-190-1.90,  
ýmis verkefni.  
(Allar tölur í þúsundum króna)

Á fund landbúnaðarnefndar komu vegna skiptingar safnliða: Jónas Helgason og Árni Snæbjörnsson frá Æðarræktarfélagi Íslands, Sigurgeir Þorgeirsson, Árni Daniélsson, Helgi Skúli Kjartansson og Niels Árni Lund vegna Búnaðarsögu Íslands, Egill Jónsson og Helgi Björnsson vegna Rannsókna á landslagi undir jökli, Bergur Sigurðsson framkvæmdastjóri og Björgólfur Thorsteinsson formaður frá Landvernd, Björn Jónsson vegna Gróðurs fyrir fólk í landnámi Ingólfs, Helga Guðrún Jónasdóttir og Gunnar Á. Gunnarsson framkvæmdastjóri frá Vottunarstofunni Túni, Árni Gunnarsson frá Skottu ehf., Gunnar Bæringsson og Brynjólfur Jónsson formaður frá Framkvæmdasjóði Skrúðs og Árni Snæbjörnsson, Magnús Ólafsson og Óðinn Sigþórsson frá Landssambandi veiðifélaga. Einnig bárust nefndinni önnur erindi þar sem farið var fram á fjárveitingu en ekki var jafnframt óskað viðtals.

Tillaga landbúnaðarnefndar um skiptingu safnliðarins er eftirfarandi:

**Umsækjandi.**

**Tillaga að fjárveitingu 2007.**

|  |       |
|--|-------|
| 1. Sláturfélag Austurlands, Austurlamb             | 500   |
| 2. Vottunarstofan Tún                              | 4.000 |
| 3. Landvernd, eldfjallagarður og fólkvangur        | 700   |
| 4. Landvernd                                       | 5.000 |
| 5. Hólaskóli, gæðamat á ferðaþjónustu              | 3.000 |
| 6. Hólaskóli, Líf í fersku vatni                   | 1.500 |
| 7. Gróður fyrir fólk í landnámi Ingólfs            | 4.000 |
| 8. Rannsóknir á landslagi undir jökli              | 3.000 |
| 9. Lífandi landbúnaður, grasrótahreyfing kvenna    | 1.000 |
| 10. Búnaðarsaga Íslands                            | 1.500 |
| 11. Framkvæmdasjóður Skrúðs                        | 2.500 |
| 12. Rannsóknir á glerál                            | 1.000 |
| 13. Norðurlandsdeild Veiðimálastofnunar            | 2.500 |
| 14. Gróður fyrir fólk í Fjarðabyggð                | 1.700 |
| 15. Landssamband veiðifélaga, silungsverkefni      | 1.000 |
| 16. Útivistarsvæði í Tunguskógi, Rangárþing eystra | 1.000 |
| 17. Skotta ehf./LMB ehf.                           | 1.500 |
| 18. Sögusetur íslenska hestsins                    | 1.000 |
| 19. Æðarræktarfélag Íslands                        | 500   |

**Samtals**

**36.900**

F. h. formanns landbúnaðarnefndar,



Elísabet Rán Andrésdóttir, nefndarritari.

LANDBÚNAÐARNEFND